


# Atan Lee ta score un hit cu su buki nobo "Den Scochi di mi Mama"



ORANJESTAD (AAN): Dialuna anochi den Aula di Universidad di Aruba a tuma lugar presentacion oficial di e buki nobo cu e conocido Atan Lee ta lanza riba mercado.

E buki anterior di Lee, esta "Nos Tur Por Siña" encuanto etiketa y protocol, a bira un bestseller na Aruba y Antiyas. Aworaki ainda ta imprimiendo ehemplar di e buki ey, pasobra tin demanda pe.

Pa loke ta trata e buki nobo, titula "Den Scochi di mi Mama", Atan Lee ta trece pa e lector e inolvidable Aruba di antaño, e union familiar fuerte, y tambe comentarionan riba acontecimentonan di presente. E ta ilustra detayadamente e pensamiento di Atan Lee, con pa yuda tur hende te cu e por resulta un exito y cu di e forma ey tur riba Aruba por biba den harmonia cu otro, tur hoben por sigui studia, y tur cosnan negativo por bay den lachi di olvido.

Na cumintamento di e anochi, Atan Lee a anuncia cu tur ganashi riba e buki aki, lo bay completamente den caha di "Cas Pa Hubentud". E ta spera di por contribui asina cu e bunita meta cu nan tin nan dilanti pa yuda hobennan cana riba e caminda recto y correcto.

Esey ta algo cu e lector lo ripara tambe den e buki "Den Scochi di mi Mama". Atan Lee ta dedica e buki tambe na su difunto mama, conoci como "Chida di Alin", y ta yena cu storionan di loke tabata pasa cu famia Lee na Santa Cruz. Con e union familiar tabata e tempo ey cu no tabatin TV, tampoco radio. Con anochi esun cu comporta su mes mihor durante dia, ta haya chance di sinta den scochi di su mama, y hunto cu demas rumannan ta scucha

storionan rico y interesante di e ser cu a trece nan na mundo.

Sinembargo e buki di 163 pagina no ta keda ilustra riba e mama so, como cu e ta indica extensamente e pensamiento di Atan Lee riba tur loke ta politikeria, sindicalismo, periodismo, gubernacion, y su aprecio grandi pa Gilberto François "Betico" Croes. Den e buki bo por lesa for di su pensamiento riba e.o. programanan di radio di awendia, te na e "buitendag" familiar cu a bira algo cu poco-poco ta bayendo perdi.

E prome comentario cu DIARIO a ricibi di esnan cu a lesa e buki, ta cu bo ta haya gana di "biba back" den e Aruba trankil di antes. E Aruba dushi di antaño unda no tin TV, ni radio pa scucha con Arubianonan ta caba cu Arubianonan diariamente.

E ta inclui tambe tipnan valioso pa mayornan cu kier lanta nan yiunan riba e caminda correcto. E ta mustabo con pa apoya bo yiunan, con pa coregi nan, y tambe con pa lanta nan yen disciplina, y guia nan riba e bon caminda di Dios.

Ademas di esaki, e buki ta contene varios poesia alentador cu Atan Lee mes a yega di skirbi, dedica na Señor, y cu el a haci durante momentonan dificil, como tambe esnan alegre di su bida.

Durante a anochi special na Universidad di Aruba, Atan Lee a haci entrega di e buki nobo aki na su yiu, Atan Jr., kende na su turno a haci entrega di esaki na e representante di "Cas pa Hubentud", cu seguramente lo beneficia di esaki.

DIARIO ta recomenda tur esnan cu kier lesa di tur loke a pasa na Santa Cruz di antes, y e dushi tempo di Aruba antaño, pa lesa "Den Scochi di mi Mama".



Pa un limpieza porfondo di bo cutis y masages di cupra ta un lugar so tin

*Dilailah Beauty Clinic*

Sta. Cruz # 36 Tel: 854596

Nos ta hasi tur sorto servicicionan di beyesa pa bo por bunita diaramente. I tambe nos caba di ricibi e ultimo den tecnologia di beyesa, SOFT LASER: e ta kita mancha di cara, stretchmarks, y ta sera secatis di acne.

Esaki ta nos **PACKETE ATRACTIVO** pa e luna alei;

Pa cada peinado un make-up GRATIS

Pa cada leimico facial un manicure GRATIS

Pa cada bodymassage un sauna GRATIS

Permanent make-up pa solamente Afl.155,00

Permanent make-up sejas eyeliner Afl.295,00

Packete facial / Bodymassage / Manicure / Pedicure / Blower pa solamente Afl.150,00